

E Schöne Gruess

1. Strophe

Klar mer könnte musik mache wie d goldküsche buebe
In unse goldkischte grabe und mit gold features bueche
Doch do mer jo nit wänn dass uns nur arschlöcher loose
Machemers ebbe nit und mir gäbe gas in de strophe

Lueg euri videoclip nit a s isch die reinscht realsatire
Was dir bruchet isch kä studio nur e chran mit abrispbire
Alles tönt vertammi glich chli bebe chli fo schisou
Gits nur ei textwriter in der schwiz oder was isch los?

Wär hüt e beat baschtlet dä macht das nüm für clap hands
Er machts fürs grosse publikum für gangsters und e lapdance
Keine will was neus probiere oder keine traut sich
Jede macht uff clubsound s git au wohnige und lounges

trotz de harte wort fürs biz der mik und ich sin voll dinne
was weniger an euch liggt sondern well mir uns so toll finde
doch sött das nüm der fall sie und die ganzi scheisse stört mi
überleggi mer was anders mike kum mir mache hörspiel

Refrain:

rap funktioniert nit so wie ichs will und trotzdem mag ich ihn
irgendwie doch e bitz und velicht sogar bitz meh
als ich mängisch mir will zuegestoh ich mach mir bloss sorge
wies witter mit ihm goht verdammt ich bi mitem gross worde

rap isch meh als nur sie ruf rap isch meh als nur e pruef
rap isch rap und er ghört vielne rap an di e schöne gruess
und e stück vo dir ghört uns und ich mach mir bloss sorge
wies witter mit dir goht verdammt ich bi mit dir gross worde

2. Strophe

Wome aneluegt wie vomne blitz wird me bländet dank
de oherring de goldzähn und em scheel wodir verwändet
E böse blick mit mit braueschnit doch banbyface wie billgates
und alli hän sie s gliche ziel ihr fötteli uff tillate

die sälscht inszenierig vo dr clubsubstanz luschigi
figure in komische pose wie bim ussdruckstanz schlo
euch dr channel vor für commedy e ufftritt dort wie wärs
Doch ich verschrück denn ziemlich wenn ich merk die meines ärscht

Überhaupt wo fiehrt das ahne wie seht dass uss in 30 johr
Ich ha angscht es git meh zombies in de clubs als je zuvor
Alti divas überschminkt wo sich and boxe stütze
Nicke faltelos zum beat dank ihrne bottox sprütze

Und d senjorä nämme brakedance denn all zu wörtlich
Gön ind chnü und stön nüm uff und danke halt das ghört sich
Versueche ne helikopter und d mängi tobt im saal
Und wache uf am negschte morge im kantonsspital

Refrain

3. Strophe

rap wird oft missbrucht s goht um gält und tüüre schmuck
autos fraue und e chrom und und das ganze wieder zrug
und ich wünscht ich kriegt e schluck für jedi nutte jedi bitch
in de clips und in de text ich wär in zwei minute dicht

du gohst jetz ine candy shop du bisch e so eine
und bouncisch um dini frau herum so wiene low rider
krass du hesch drei nutte und mit dim schwarze lexus fahrsch wit
und schön dass du au hode hesch doch was isch genau s fazit?

und vileli makes noch säge bitch und säge hoe
wän scho gält ha nur für s rede und am beschte zimlich hoch
doch uff die art sehnis cho rap wird zum corpus delicti
es isch jo bald so wit es git kei vorschuss no fick di

es entwickelt sich der undergrund standart und der mainstream
d frog isch in welli richtig und zu wellem priis me fame kriegt
was sin d impuls wo usschlag gän und worum dien sie das
ischs der wille vo der industrie oder unsi frei wahl